

納蠹惡之物李續祖尹懷貞請并先罷後推監察尹復仁以房主不能  
 檢舉亦當推之監察被本府推考則不能任職請先遞後推傳曰如啓  
 ○月暈○丙辰夜流星出張星下入天廟星色白又出翼星入張星色  
 赤又出北斗星入三台星色赤○丁巳 上御慶會樓下觀武才世子  
 隨察射訖傳曰今不計畫數依前例封誌而後於慕華館親閱時試馳  
 馬之才然後計畫可也○戊午日暈○已未親閱于慕華館承旨吳  
 潔以兵曹意啓曰前日慶會樓下試射人請騎射傳曰知道察試官以  
 試射人趙安國張彥邦李賜等畫數書啓傳曰趙安國張彥邦各加一  
 資任侶魚守淵李賜等各賜兒馬一匹○日暈夜四方有氣如火○庚  
 申日暈

三月辛酉朔夜艮方坤方西方有氣如火○江原道蔚珍縣村民官屬  
 以瘡疫死者一百九十餘人○壬戌兵曹判書尹任以病辭 命適之○傳  
 曰禁府重其邊方之事以慶源府使奉承宗判官徐慶千等義邊遠充軍  
 為公事此至當然非如寇邊作賊之事乃安原堡權管所誤而奉承宗  
 徐慶千皆所不知故斟酌判付矣奉承宗徐慶千則功減一等杖贖除  
 充軍黃琛杖贖只罷可也○以尹任為議政府右叅贊金麟係為禮曹